

Goran Salihović, predsjednik Općinskog suda u Sarajevu, za "San"

Komunalni predmeti su nam omča oko vrata

Naš najveći problem su komunalni predmeti kojih je ostalo 907.362, tvrdi za naš list predsjednik suda Goran Salihović

Općinski sud u Sarajevu za prvih šest mjeseci ove godine po riječima Gorana Salihovića, predsjednika suda ostvario je odlične rezultate. Salihović to potvrđuje podacima da je na početku ove godine ostalo neriješeno 939.380 predmeta iz prošle godine, te da je sud ukupno primio 1,131.167 predmeta.

- Od ukupnog broja predmeta riješeno je 106.140, a neriješeno je 1,025.027 predmeta. Naš najveći problem trenu-

tno su komunalni predmeti kojih je ostalo 907.362 i koji čine skoro 90 posto neriješenih predmeta. Mi smo desetogodišnji zaostatak od 90.000 predmeta sveli na 4.260 i to su podaci vrijedni pažnje - kaže Salihović.

Uskoro bi kako je najavio predsjednik suda trebala biti smanjena i gužva u zemljišno - knjižnom uredu koji se trenutno renovira.

- Strankama ćemo na taj način omogućiti lakši pristup i smanjiti gužve.



Salihović: Smanjili smo zaostatke

Mi smo postigli ažurnost što se tiče zemljišno - knjižnog ureda jer smo postupak izdavanja smanjili sa nekoliko mjeseci na sedam dana do najkasnije 30 dana - kazao je Salihović.

J.M.